

禮

記

訓

纂

禮記訓纂卷九

寶應朱彬輯

禮運第九

正義鄭目錄云名曰禮運者以其記五帝三王相變易陰陽轉旋之道此於別錄屬通論

昔者仲尼與於蜡賓

注蜡者索也歲十二月台聚萬物而索饗之亦祭宗廟時孔子仕魯在助

祭之中釋文蜡祭名夏日清事畢出遊於觀之上喟然而

祝殷曰嘉平周日蜡秦曰臘事畢出遊於觀之上喟然而

嘆注觀闕也孔子見魯君於祭禮有不備於此又觀象魏舊章之處感而嘆之說文喟大息也正義出遊於觀之上者謂出廟門往仲尼之嘆蓋嘆魯也言偃在側曰君子

何嘆注言偃孔子孔子曰大道之行也與三代之英邈未

之逮也而有志焉注大道謂五帝時也英俊選之尤者逮及也言不及見志謂識古文不言魯事

禮記卷之九

為其大切廣言之劉氏台拱曰志識記之書如夏時坤乾之類。與音預蜡仕嫁反觀古亂反嚼去媿反逮音代

大道之行也天下為公選賢與能講信修睦注公猶共也

家之睦親也正義為公謂揖讓而授聖德不私傳子孫即

廢朱均而用舜禹是也選賢與能舉十六相之類是也修

習也周豐曰有虞氏未施信於民而民信之又凡所行習

皆親睦也王氏引之曰選賢與能之與當作舉大戴禮王

言篇選賢舉能是故人不獨親其親不獨子其子注孝慈之道廣

也也舉與古字通使老有所終壯有所用幼有所長矜寡孤獨廢疾者皆

有所養注無匱乏也正義老有所終四海如一無所獨親

盛壯者所用謂不愛其力以奉老幼無所獨子故天下之

幼者皆獲養長以成人也壯不愛力故四者無告及有疾

者皆獲注分猶職也正義無才者耕有男有分注分猶職也正義無才者耕有女有歸注皆

恤養也能者仕各當其職無失分也

得良與之家正  
義文謂嫁為歸  
貨惡其弃於地也不必藏於己力惡其不

出於身也不必為己

注勞事不憚施無吝心仁厚之教也正義貨謂財貨也既天下共之不獨

藏府庫但若弃擲山林則無所資用故各收而藏之非是者正是惡於相欺惜力不出於身耳非是欲自營贍是故謀閉而不興盜竊亂賊而

不作

注尚辭讓之故也正義興起也天下一心故圖謀之事閉塞而不起有乏輒與則盜竊焉施有能必位則

亂賊焉作

故外戶而不閉

注禦風氣而已正義重門擊柝以待暴客既無盜竊則戶無俟於閉也

是謂大同

注同猶和也平也正義率土皆然故曰大同。長丁丈反矜古頑反分扶問反惡烏故反下同

今大道既隱

注隱猶去也

天下為家

注傳位於子

各親其親各子其

子貨力為己

注俗狹嗇正義君以天位為家故四海各親親而子子也藏貨為身出力贍己大人

世及以爲禮城郭溝池以爲固

注亂賊繁多爲此以服之也正義世及諸侯傳位自

與家也父子曰世兄弟曰及

禮義以爲紀以正君臣以篤父子以睦兄

弟以和夫婦以設制度以立田里以賢勇知以功爲已故

謀用是作而兵由此起

注以其違大道敦朴之本也教令之稱其弊則然老子曰法令滋章

盜賊多有正義紀綱紀也五帝以大道爲紀而三王則用禮義爲紀也君臣義合故曰正父子天然故云篤兄弟同氣故言睦夫婦異姓故言和又設爲宮室衣服車旗飲食上下貴賤之制度田種穀稼之所里居室之地貴賤異品賢猶崇重也既盜賊並作故禹湯文武成王周公由此其須勇也更相欺妄故須知也

選也

注由用也能用禮樂以成治

此六君子者未有不謹於禮者也以

著其義以考其信著有過刑仁講讓示民有常

注考成也刑猶則也

正義著明也義宜也民有失所則用禮明裁斷之使得其  
宜也考成也民有相欺則用禮成之使信也著亦明也過  
罪也民有罪則用禮明之民有仁者用禮賞之民有爭奪  
者用禮與民講說之止推讓也以禮行上五德是示民下  
為常也如有不由此者在執者去衆以為殃注執執位也去  
罪退之也殃猶  
禍惡也 是謂小康注康安也大道之人以禮於忠信為薄言  
小安者失之則賊亂將作矣劉氏台拱曰  
以知為賢故謀作以勇為賢故兵起衆謂衆庶也不由禮  
則在執者黜退而衆庶則有刑禍及之也又曰風俗升降  
聖人亦無如何此非老氏所能誣亦非儒者所能諱但異  
端之見以禮為不必設孔子之言以禮為不可廢此其立  
言之旨固殊矣豈可因噎而廢食哉○  
和音智執音世本亦作勢殃於良反

言偃復問曰如此乎禮之急也孔子曰夫禮先王以承天  
之道以治人之情故失之者死得之者生詩曰相鼠有體

人而無禮人而無禮胡不遘死

注相親也遘疾也言鼠之有身體如人而無禮者矣

鼠不如疾死之愈

是故夫禮必本於天敬於地列於鬼

神注聖人則天之明因地之利取法度於鬼神以制禮下教令也既又祀之盡其敬也教民嚴上也鬼者精魂所

歸神者引物而出謂祖廟山川五祀之屬也釋文殺法也正義敬效也天遠故言本地近故言效

達於喪

祭射御冠昏朝聘

注民知嚴上則此禮達於下也

故聖人以禮示之故天

下國家可得而正也

注民知禮則易教應子和曰禮之大原出於天故推其自出而本之效法

之謂地故因其成法而效之列於鬼神充塞乾坤昭布森列而不可紊達於喪祭至朝聘人道交際周流上下而無

不通方性夫曰天地鬼神禮之所以立也朝聘入者禮之所以行也○過市專反殺徐戶交反

言偃復問曰夫子之極言禮也可得而聞與

注欲知禮孔終始所成

子曰我欲觀夏道

注欲行其禮觀其所成

是故之杞而不足徵也

注杞

夏后氏之後也徵成也無賢君不足與成也

吾得夏時焉

注得夏四時之書也其書存者有小正

我欲觀殷道是故之宋而不足徵也

注宋殷人之後也

吾得坤乾

焉

注得殷陰陽之書也其書存者有歸藏

坤乾之義夏時之等吾以是觀之

注觀於二書之意朱子曰徵證也與音餘

夫禮之初始諸飲食其燔黍捭豚汙尊而抔飲蕢桴而土

鼓猶若可以致其敬於鬼神

注言其物雖質略有齊敬之心則可以薦羞於鬼神鬼神

饗德不饗味也中古未有釜飭釋米捭肉加於燒石之上而食之耳今北狄猶然汙尊盪地為尊也抔飲手掬之也蕢讀為由聲之誤也由摶也謂搏土為桴也土鼓築土為桴也說文桴為也釋文捭注作擘由土塊也桴鼓槌彭廉



夫曰蕢與蒯同以蒯杖為槌而擊土鼓段氏玉裁曰擊豚謂手裂豚肉也王氏念孫曰燔與揅一聲之轉皆謂加于火上也廣雅曰燔謂之魚古無燔字借揅為之鹽鐵論散不足篇古者燔黍食稗而燔豚即用禮運之文○燔音煩揅卜麥反汗烏華反一音烏抔步侯反蕢依注音由苦對反桴音浮

及其死也升屋而號告曰臯某復注招之於天然後飯腥而苴

孰注飯以稻米上古未有火化苴孰取遺奠有火利也苴或為俎故天望而地藏也體魄

則降知氣在上注地藏為葬故死者北首注首陰也生者南鄉注鄉陽也

皆從其初注謂今行之然也劉氏台拱曰案此節接皆從其朔之下文勢方順○號戶毛反臯音羔苴子

餘反鄉許亮反

昔者先王未有宮室冬則居營窟夏則居橧巢注寒則累土暑則聚

薪柴居其上說文巢鳥  
在木上曰巢在穴曰窠  
未有火化注食腥也食草木之實為獸

之肉飲其血茹其毛釋言啜茹也未有麻絲衣其羽皮注此上古之時

也五經要義云太古之時未有布帛食獸肉而衣其皮先

知蔽前而未知蔽後劉氏台拱曰當作未有絲麻與皮為

禮篇正作絲麻禮篇正作絲麻後聖有作注起然後修火之利注孰治萬物范

金注鑄作合土注瓦甒甗及甗大釋文皆樽名以為臺榭宮室牖戶注柵器之

所藏以炮注裹燒也以燔注加于火上以亨注煮之以炙注貫之

文炮毛炙肉也燔宗廟火孰肉春秋傳曰以為醴酪注蒸醱之

天子有事籒焉以饋同姓諸侯炙炮肉也

也酪治其麻絲王氏念孫曰此亦當作絲麻以為布帛以養生送死以

酢載亦當作絲麻

事鬼神上帝皆從其朔注朔亦初也亦謂今行之然正義營窟者營壘其土而為窟地高則

穴於地地下則窟於地上謂地上累土而為窟櫨巢謂櫨聚其薪以為巢未有宮室則五帝之前未有火化則唯伏羲之前以上文中古神農有火故也。窟苦忽反櫨本又作增又作曾同則登反茹音汝衣於既反燔音煩亨普伴反炙之石反醴音禮醪音洛

故元酒在室

土昏禮賈疏相對元酒與明水別通而言之明水亦名元酒

醴醖在戶

醖在堂

釋名緹齊色赤如緹也

澄酒在下陳其犧牲備其鼎俎列其

琴瑟管磬鐘鼓修其祝嘏以降上神與其先祖以正君臣

以篤父子以睦兄弟以齊上下夫婦有所是謂承天之祜

注此言今禮饌具所因於古及其事義也案讀為齊聲之誤也周禮五齊一日泛齊二日醴齊三日盎齊四日醴齊五日沈齊字雖異醖與盎澄與沈蓋同物也奠之不同處重古終近也祝祝為主人饗神辭也嘏祝為尸致福於主

人之辭也。祐福也。福之言備也。正義元酒謂水也。以其色黑謂之元。大古無酒。此水當酒。故謂之元酒。貴重古物。故陳設在於室內。而近北。醴謂醴齊。酸謂盎齊。以後世所爲賤之。陳列在室內。稍南。近戶。皇氏云。醴在戶內。甗在戶外。柔醲卑。故陳列南。近戶。而在堂。澄謂沈齊也。酒謂事酒。昔酒清。酒稍卑之。故陳在堂下也。陳其犧牲者。按特牲。陳鼎於門外。北面。獸在鼎南。東首。牲在獸西。西上北首。備其鼎俎者。以牲煮於鑊。鑊在廟門之外。鼎各陳於鑊西。取牲體以實其鼎。舉鼎而入。設於阼階下。俎設於鼎西。以次載於俎也。按少牢云。鼎入陳於東方。當序西。而北上。俎皆設於鼎西。是也。琴瑟在堂。而登歌書云。搏拊琴瑟以咏。是也。管磬鐘鼓。堂下之樂。書云。下管鞀鼓笙鏞。以閒是也。上神謂在上。精魂之神。卽先祖也。皇氏熊氏等云。謂天神也。祭統云。君在廟門外。則疑於君入廟門。則全於臣。是以正君。臣也。尸南面。父北面。而事之。是以篤父子也。特牲云。主人洗爵獻。長兄弟衆兄弟。是以睦兄弟也。以齊上下者。祭統云。尸飲五。君洗玉爵獻。卿尸飲七。以瑤爵獻。大夫是也。夫婦有所者。禮器云。君在阼。夫人在房。及特牲。夫婦交相致爵。

是也承天之祐言行上事得所則承受天之祐福也鄭氏元慶曰此與下兩節承上文以事鬼神上帝說雜言祭祀之禮孔疏上神卽先祖恐未然上神先祖明明兩祭故曰與蓋祭天與祭廟皆設饌具郊祭之時諸臣皆與則君臣上下何必定是宗廟之祭承天之祐天卽上帝後云與其越席疏布以幕何莫非事天之禮乎唯第一節夫婦有所第二節君與夫人交獻第三節祝以孝告嘏以慈告此則專言宗廟之祭耳江氏永曰按元酒在室卽明水配鬱鬯也其在戶在堂在下者亦以明水配齊以元酒配酒非謂室中一設其餘不設也愚疑泛齊最濁用之天地神祇不用之宗廟故諸篇皆無言泛齊者宗廟用鬱鬯無泛齊神祇用泛齊無鬱鬯亦相變也○醲側眼反柔依注爲齊才細反醲音

體祐音戶

作其祝號元酒以祭薦其血毛腥其俎孰其殽與其越席疏布以幕衣其澣帛醴醢以獻薦其燔炙君與夫人交獻

以嘉魂魄是謂合其

注此謂薦上古中古之食也周禮祝號有六號者所以尊神顯物也腥其

俎謂豚解而腥之及血毛皆所以法於太古也孰其殺謂體解而爛之此以下皆所法於中古也越席翦蒲席也冪

覆尊也滌帛練染以為祭服嘉樂也莫虛無也然後退而合亨體其犬豕牛羊實

其簋簠籩豆銅羹

三禮圖云簋受一升下足高一寸中方外圓漆丹中蓋龜形諸侯飾以象天子

玉飾盛黍稷簋受一升足高一寸中圓外方挫其四角漆

赤中蓋亦龜形其飾如簋盛稻粱又曰銅以盛羹受一升

口徑六寸有足高一寸有兩耳蓋士以鐵大夫以銅諸侯

以白金飾天子以黃金飾聶氏三禮圖云舊圖云外方內

圓曰簋足高二寸漆赤中臣崇義按掌客注云簋稻粱器

祭天地尚質用陶匏祭宗廟皆用木為之今以黍寸之尺

計之口圓徑六寸深七寸二分底徑亦五寸二分厚八分

足底徑六寸厚半寸脣寸舊圖云內方外圓曰簋足高二

寸漆赤中臣崇義按鄭注地官舍人秋官掌客及禮器云

圓曰簋盛黍稷之器有蓋象龜形以黍寸之尺校之口徑

五寸二分深七寸二分底徑亦五寸二分厚八分足底徑

六寸邊臣崇義按鄭注邊人及士虞禮云邊以竹為之口

有滕緣形制如豆亦受四升豆舊圖云豆高尺二寸漆赤

中大夫以上畫赤雲氣諸侯飾以象天子加玉飾皆謂飾

口足也臣崇義按考工記瓶人為豆高一尺又鄭注周禮

及禮記云豆以木為之受四升口圓徑尺二寸有蓋銅舊

圖云銅受一斗兩耳三足高二寸祝以孝告嘏以慈告是

有益釋文銅盛和羹器形如小鼎祝以孝告嘏以慈告是

謂大祥注此謂薦今世之食也體其犬豕牛羊謂分別骨

其義也祥善也今世此禮之大成也注解子游以禮所成

之食於人道為善也也正義元酒以祭薦

其血毛腥其俎此是用上古也孰其殺以下用中古也祝

號者謂造其鬼神及牲玉美號之辭祝史稱之以告鬼神

薦血毛者亦朝踐時延尸在堂祝以血毛告于室也腥其

俎者亦謂朝踐時既殺牲以俎盛肉進於尸前也殺骨體

也孰謂以湯爛之以其骨體進於尸前也朝踐之時用醴

饋食之時用醴燔炙者謂燔肉炙肝按特牲禮主人獻尸

賓長以肝從主婦獻尸賓長以燔從此君薦用炙夫人用燔是也弟一君獻弟二夫人獻弟三君獻弟四夫人獻是君與夫人交錯而獻也死者精神虛無寂寞得生者嘉善而神來歆饗是和合於寂寞退而合亨者前薦爛未孰今至饋食乃退取彘燭肉亨之令孰更薦尸又尸俎唯載右體其不載者亦於鑊中亨煮之故云合亨體其犬豕牛羊謂分別骨之貴賤以為衆俎知非尸前正俎以此經所陳多是祭末之事○殺本或作肴尸交反越音活幕莫歷反衣於既反滌戶管反

鋼本又作鉞音刑

孔子曰嗚呼哀哉我觀周道幽厲傷之吾舍魯何適矣

注政

亂禮失以魯之郊禘非禮也周公其衰矣

注非猶失也魯之郊牛口傷麋

鼠食其角又有四卜郊不從是周公之道衰矣言子孫不能奉行與之正義愈言尙勝於餘國故韓宣子適魯曰周禮盡在杞之郊也禹也宋之郊也契也是天子之事守也魯矣



注先祖法度 故天子祭天地諸侯祭社稷 張子曰魯之郊

明言之魯用天子禮樂必是成王不敢臣周公故以二王

之後待魯然非周公之意也馬貴與曰周之封杞宋也以

其為二王之後俾之修其禮物作賓王家以奉禹契之祀

禹契天子之祖也不可以諸侯之太祖祀之故許其用天

子之禮祀禹契之廟然未必許其郊天也夷王以下君弱

臣強上陵下僭杞宋遂并僭行郊祀上帝之禮夫子所以

有天子事守之嘆也至於魯因其可用天子之禮樂於周

公之廟而并效祀宋之尤則不類甚矣鄭氏元慶曰魯之

郊禘其故有在禮不王不禘王者禘其祖之所自出以其

祖配之魯為宗國得立文王廟而以周公配之祭文王不

得不用天子之禮樂此魯禘所自昉也然止可行之文王

之廟不可行于周公之廟周室衰微諸侯僭竊乃于周公

之廟一如文王與禘祭相準明堂位云季夏六月以禘禮

祀周公于太廟此魯之禘也魯得禘祭遂并僭郊禮明堂

位云魯君孟春乘大路載弧韜旂十有二旒日月之章祀

帝於郊配以稷天子之禮也此魯之郊也不但魯也杞

亦郊天以禹配也宋亦郊天以契配也郊是天子之事諸侯安得而僭越之故禮曰天子祭天地諸侯祭社稷魯之郊禘與杞宋之郊皆非禮也

祝嘏莫敢易其常古是謂大假注不敢改其常古之法度將言今不然正義祝以主

人之辭而告神神以嘏福而與主人二者皆依舊禮彬謂假讀為嘏嘏福也大善也大假猶言善福

祝嘏辭說藏於宗祝巫史非禮也是謂幽國注藏於宗祝巫史言君不

知有也幽闇也國闇者君與大夫俱不明也

醜畢及尸君非禮也是謂僭君注僭禮之君也醜畢先王之爵也唯魯與王者之後

得用之耳其餘諸侯用時王之器而已郭景純方言注蓋宸小栝也彬謂蓋醜通釋文醜畢爵名夏日醜殷曰畢周日爵正義此醜畢謂祭祀尸未入之時祝酌奠于銅南者也故郊特牲云舉畢角是也若尋常獻尸則用玉爵耳

罕古雅反又音  
嫁僭子念反

冕弁兵革藏於私家非禮也是謂脅君

注劫脅之君也冕弁君之尊服兵革

君之武衛及軍器也正義大夫以下稱家冕是衮冕弁是皮弁一切經音義軍旅之事曰兵革謂兵器雜有皮革角

○脅許

劫反

大夫具官祭器不假聲樂皆具非禮也是謂亂國

注臣之奢富僭

於國君敗亂之國也孔子謂管仲官事不攝焉得儉正義大夫有地者置官一人兼攝羣職無地不得造祭器有地雖造不得具足並須假借周禮四命受器鄭云此公之孤大夫自有判縣之樂而不得如三桓舞八佾一曰大夫祭不得用樂故少牢饋食無奏樂之文唯君賜乃有之若大夫並為上事則非禮也

故仕於公曰臣仕於家曰僕三年之喪與新有昏者期不

使

王氏懋竝曰三年之喪期而從政此末世之變古者君薨聽於冢宰三年豈以大夫士而期之外遂可使乎

以衰裳入朝與家僕雜居齊齒非禮也是謂君與臣同國

注臣有喪昏之事而不歸反服其衰裳以入朝或與僕相等輩而處是謂君臣共國無尊卑也有喪昏不歸唯君耳臣有喪昏當致事而歸僕又不可與士齒正義公是諸侯之號仕於大夫之家自稱曰僕君之喪昏在國臣有喪昏而不歸家是君與臣同國且臣是君之臣僕是臣之僕今卿大夫與僕雜居尊卑無別亦是君臣共國也○期居其反朝直

遙反

故天子有田以處其子孫諸侯有國以處其子孫大夫有

采以處其子孫是謂制度

注言今不然也春秋昭元年秦伯之弟鍼出奔晉刺其有千乘

之國不能容其母弟

故天子適諸侯必舍其祖廟而不以禮籍入是

謂天子壞法亂紀

注以禮籍入謂太史典禮執簡記奉諱惡也天子雖尊舍人宗廟猶有敬焉自

拱勅也

諸侯非問疾弔喪而入諸臣之家是謂君臣為讎

注無

故而相之是戲謔也陳靈公與孔寧儀行父數如夏氏以取弒焉正義有田者王制云天子之田方千里是也以處其子孫者子孫有功德者封為諸侯無功德直食邑於畿內也諸侯子孫為卿大夫有大功德亦有采地故左傳云官有世功則有官族邑亦如之大夫位卑不合割其采地以處子孫但以采地之祿養子孫○壞音怪謔許約反是故禮者君之大柄也所以別嫌明微儻鬼神考制度別仁義所以治政安君也

注疾今失禮如此為言禮之大義也柄所操以治事

故政不

正則君位危君位危則大臣倍小臣竊刑肅而俗敝則法

無常法無常而禮無列禮無列則士不事也刑肅而俗敝

則民弗歸也是謂疵國

注又為言政失君危之禍敗也

禮如巧匠治物執斤斧之柄寡婦不夜哭是別嫌君子表微是明微接賓以禮曰僎郊天祀地及一切神明是僎鬼神考成也制度為廣狹丈尺以禮成之仁生義殺各使中禮用禮為柄如前諸事故治國得政君獲安存大臣謂大夫以上倍謂倍君行私小臣士以下職闕位卑但為竊盜府庫君位已危大臣又倍小臣盜竊愚君無奈此何唯知暴怒急行刑罰上下乖離故法教無常王氏懋竝曰禮者所以治政安君政不正則以無禮故也法無常而禮無列又以禮與法對言之禮無列則士不事法無常則民弗歸士不事與大臣倍小臣竊同刑肅而俗敝即法無常也

故政者君之所以藏身也

注於此又遂為之言政也藏謂輝光於外而形體不見若日月

星辰之神是故夫政必本於天殺以降命  
注降下也殺天之氣以下教令天有運移

之期陰陽

命降于社之謂殺地

注謂教令由社下者也社土地之主也周禮土會之

法有五地

降于祖廟之謂仁義

注謂教令由祖下者大傳曰自禰率而上至于祖遠

者輕仁也自祖率而下

降于山川之謂興作

注謂教令由山川下者也

至于禰高者重義也

降于五祀之謂制度

注謂教令由五祀下者五祀有中霤

山川有草木禽獸

此聖人所以藏身之固也

注政之行如

門戶竈行之神此

始為宮室制度 此聖人所以藏身之固也

溝池之為正義言人君身在於中施政於外若政美盛則君身安靜故云所以藏身也政之行苦法天陰陽使賞罰

得所法地高下令尊卑有序法祖廟而行仁義法山川五祀而興作制度如此則民懷其德禍害不來何所防禦言不用城郭溝池也

故聖人參於天地竝於鬼神以治政也處其所存禮之序

也玩其所樂民之治也

注竝并也謂比方之也存察也治所以樂其事居也

故天生

時而地生財人其父生而師教之四者君以正用之故君

者立於無過之地也

注順時以養財尊師以教民而以治政則無過差矣易曰何以守位曰仁

何以聚人曰財正義參於天地則法于天地是也比方鬼

神則祖廟山川五祀也治謂修治也存謂觀察也天有運

移寒暑地有五土生殖廟有祖禰仁義皆是人之所觀察

以為政則禮得次序也興作器物宮室制度皆是人之所

樂聖人能愛玩之則民各樂其事業居處也熊氏曰天生

四時地生百物父生師教四者不能相兼惟君正身修德

則兼用之而禮序民治矣此見君必正身立於無過之地

而與天地合其德鬼神合其吉凶以為治政之本也○樂

音洛又五孝反

故君者所明也非明人者也君者所養也非養人者也君



者所事也非事人者也故君明人則有過養人則不足事

人則失位

注明猶尊也

故百姓則君以自治也養君以自安也

事君以自顯也故禮達而分定故人皆愛其死而患其生

注則當爲明人之道身治居安名顯則不苟生也不義而死舍義而生是不愛死患生也正義分謂尊卑之分下之事上於禮當然上下分定君有危難皆欲救之患其不義而生不欲苟且生也吳幼清曰君者立身無過則德可爲師而人視效之若猶視效於人則身猶有過不足以爲人師矣以一人而享萬方之奉者君也若君養人則以寡養衆而贍給不足矣以萬人而受一人之役者君也若君事人則以上事下而失君位之尊矣百姓取則於君之德以自治者也出貢賦以供養君君撫臨之而得自安竭膂力以服事君君任使之而得自顯者也此禮既達於下爲下皆知盡其分故危難之世則思盡節而以委命效死爲樂安平之世則思盡忠而以竊食偷生爲恥○則君則音明

出注分

扶問及

故用人之知去其詐用人之勇去其怒用人之仁去其貪

注用知者之謀勇者之斷仁者之施足以成治矣詐

故國

者害民信怒者害民命貪者害民財三者亂之原

有患君死社稷謂之義大夫死宗廟謂之變

注變當為辯聲之誤也辯

猶正也君守社稷臣衛君宗廟者患謂見圍入劉氏台拱

曰用人之知三句承上君以正用之國有患三句承上愛

其死而患其

生○知音智

故聖人耐以天下為一家以中國為一人者非意之也必

知其情辟於其義明於其利達於其患然後能為之

注耐古能

字傳書世異古字時有存者則亦有今誤矣意心所無慮

也辟開也正義言聖非是以意測度而已必知民之情下

文七情是也辟於其義下文父慈子孝之類是也明於其利謂顯明利事以安之下文講信修睦是也達於其患謂曉達其禍患而防護之下文爭奪相殺是也然後皆感義懷德而歸之王氏引之曰曰知曰辟曰明曰達義並相近辟亦明也謂明於父慈子孝以下十者之義也鄭訓為開者開與明義亦相近謂開通於十者之義也彬謂廣雅無慮都凡也猶今人言大槩或模量也正義乃謂無慮猶言慮無引左傳前茅慮無為證又一說謂心無所思慮疏矣

耐音能  
辟婢亦反

何謂人情喜怒哀懼愛惡欲七者弗學而能何謂人義父慈子孝兄良弟弟夫義婦聽長惠幼順君仁臣忠十者謂

之人義講信修睦謂之人利爭奪相殺謂之人患

注板言  
人事

故聖人之所以治人七情修十義講信修睦尚辭讓去爭

奪舍禮何以治之

注唯禮可耳

飲食男女人之大欲存焉死亡

貧苦人之大惡存焉故欲惡者心之大端也人藏其心不

可測度也美惡皆在其心不見其色也欲一以窮之舍禮

何以哉

注言人情之難知明禮之重正義端謂頭緒言人君欲誠懇專一窮盡人美惡之情若舍去其禮更

將何事以知之哉有事於中心貌必見於外若七情美善

十義流行則舉動無不合禮若七情違辟十義虧損則動

作皆失其法故云舍禮

何以哉。度大洛反

故人者其天地之德陰陽之交鬼神會五行之秀氣也

注言人兼此氣性純也正義天以覆為德地以載為德人

感覆載而生是天地之德也陰陽則天地也據其氣謂之

陰陽據其形謂之天地獨陽不生獨陰不成二氣相交乃

生鬼謂形體神謂精靈相會然後物生秀謂秀異言人感

五行秀異之氣故有仁義禮知信是五行之秀氣也張子曰天地之德謂人之德性如天地之性人為貴是也稟五行之氣以生最靈於萬物是其秀也神之言申也鬼之言歸也凡生即申要終即歸也神之盛極於氣鬼之盛極於魄一體兼此終始此鬼神之會也陰陽之交鬼神之會五行之氣物生皆然而人為備焉

故天秉陽垂日星

注秉猶持也言天持陽氣施生照臨下也

地秉陰竅於山川

播五行於四時和而后月生也是以三五而盈三五而闕

注竅孔也言地持陰氣出內於山川以舒五行於四時此氣和乃后月生而上配日若臣功成進爵位也一盈一闕屈伸之義也必三五者播五行於四時也一曰水二曰火三曰木四曰金五曰土合為十五之成數也正義五行四時者以金木水火各為一行土無正位分寄四時故云播五行於四時日月行度差錯失於次序則月生不依其時若五行氣和則月依時而生也盈謂月光圓滿闕謂月光虧損江氏永曰五行分布於四時之中土位在夏季中央

而亦寄王於四季之月四時之順序由日行之進退而月  
轉乎日或合或離亦由是以生明生魄焉三五猶云半月  
也

### 五行之動迭相竭也

注竭猶負戴也言五行運轉更相  
為始也說文竭負舉也廣雅揭舉

也王氏念孫曰揭竭通正義竭是擔竭之名故為負戴春  
為木王負戴於水夏為火王負戴於木秋為金王負戴於  
火冬為水王負戴於金是也  
五行四時十二月還相為本也  
正義若孟  
春建寅仲

春建卯是迭  
相為本也

### 五聲六律十二管還相為宮也

注五聲宮商  
角徵羽也其

管陽曰律陰曰呂布十二辰始於黃鍾管長九寸下生者  
三分去一上生者三分益一終於南呂更相為宮凡六十  
也正義十二管更相為宮以黃鍾為始當其為宮備有五  
聲黃鍾下生林鍾林鍾上生大簇大簇下生南呂南呂上  
生姑洗姑洗下生應鍾應鍾上生蕤賓蕤賓上生大呂大  
呂下生夷則夷則上生夾鍾夾鍾下生無射無射上生中  
呂此則相生之次也隨其相生之次每辰各自為宮各有  
五聲十二管相生之法以上生下皆三生二以下生上皆

三生四陽下生陰陰上生陽終於中呂而十二律畢矣夫  
十二律之變至於六十猶八卦之變至於六十四也必犧  
作易紀陽氣之初以為律法建日冬至之聲以黃鍾為宮  
大簇為商姑洗為角林鍾為徵南呂為羽應鍾為變宮蕤  
賓為變徵此聲氣之元五音之正也故各統一日其  
餘以次運行當月者各自為宮而商徵以類從焉 五味

六和十二食還相為質也

注五味酸苦辛鹹甘也和之者  
春多酸夏多苦秋多辛冬多鹹

皆有滑甘是謂六和正義周禮食醫之文以四時有四味  
皆有滑有甘益之為六江氏永曰還相為質言其迭有所  
主非真一月而易一食一月而易一衣也五經算術作還  
相為滑戴氏震曰食味言還相為滑衣色言還相為質質  
如凡畫者丹質之質食味衣色二者語宜有別此所引在  
唐以前應是古本王氏引之曰滑在六和之中還相為滑  
猶宮在五聲之中而還相為宮也 五色六章十二衣還相  
今作質者因與下文相涉而誤 五色六章十二衣還相  
為質也 注五色六章畫績事也周禮考工記曰土以黃其  
象方天時變火以圜山以章木以龍鳥獸蛇雜四

時五色之位以章之謂之巧也正義其食與衣唯有四時之異故周禮春多酸月令食麥與羊春三月皆同夏秋冬亦然春衣青夏衣赤亦三月俱同無每月之異江氏永曰六章者天地四方之色左傳謂之六采五色加元為六章猶之五味加滑為六和此與五聲六律別是一理鄭氏欲避五色之複取考工記土以黃其象方以下為六章吳氏又以衣裳各六為六章皆非。竅徐苦弔反播彼佐反還音旋和戶臥反

故人者天地之心也五行之端也食味別聲被色而生者

也注此言兼氣性之效也正義天地高遠在上臨下四方人居其中央動靜應天地天地有人如人腹內有心動靜應人也故云天地之心也端猶首也萬物悉由五行而生人豈得其妙氣王肅云端始用五行者也方性夫曰天地散而為五行故仁之端則木之性所立也義之端則金之性所立也火之於禮木之於知土之於信亦若是而已故曰五行之端也五行滋而為五味人以養其目感而為五聲人以養其耳形而為五色人以養其目然後人得而



生焉故曰食味別聲被色而生者也獨於聲言別則以微妙尤宜致別故也

故聖人作則必以天地為本

王氏引之曰家語禮運篇全襲此篇之文王肅讀聖人作

則為句注曰作為法則是正義所本也然上文曰後聖有作然後修火之利則此亦當以故聖人作為句作起也與也言有聖人起則其為政必以天地為本也以陰陽為端以四時為柄以日星

為紀月以為量鬼神以為徒五行以為質禮義以為器人

情以為田四靈以為畜

注天地以至於五行其制作所取象也禮義人情其政治也四靈者

其徵報也此則春秋始於元終於麟包之矣呂氏說月令而謂之春秋事類相近焉量猶分也鬼神謂山川也山川助地通氣之象也器所以操事田人所桴治也禮之位賓主象天地介候象陰陽四面之位象四時三賓象三光夫婦象日月亦是也正義本根本也人既是天地之心故聖人作法必用天地為根本也端猶首也如劔戟以近柄處

爲根本以鋒杪爲端首也賞以春夏刑以秋冬是法陰陽  
爲端首也春生夏長秋斂冬藏是法四時爲柄也日行有  
次度量有四方列宿分部昏明敬授民時是法日星爲綱  
紀也量猶分限也天之運行三十日爲一月聖人制教亦  
隨人之才分是法月爲限量也鬼神謂山川助地以通氣  
爲地之徒屬聖王象之樹立羣臣助已施教爲已徒屬也  
質體也五行循迴不停周而復始聖人爲教亦循還復始  
是法五行也禮義以爲器者上既有法象爲先故可執禮  
義爲器用如農夫之執耒耜也人情以爲田者用禮義爲  
器可耕於人情人情得禮義之耕如田得耒耜之耕也聖  
人既法象天地用禮義耕人情故天地應以徵報也四靈  
並至聖人畜之如養牛馬然方性夫曰凡人動靜起居出  
入內外未有能外此陰陽者趨事赴功率作興事未有能  
舍此四時者鬼神不可度思然屈伸往來凡人動與之俱  
故鬼神以爲徒五行如環無端然五事五常  
凡人體無不具故五行以爲質。量音亮

以天地爲本故物可舉也

注物天地所養生正義天地生  
養萬物今本天地而爲政教故

萬物可舉 以陰陽為端故情可睹也 注情以陰陽通也正義人情與陰陽相通

而興也 今法陰陽為教故人情 以四時為柄故事可勸也 注事以四時成

無隱所以可睹見也 正養生長收藏隨時無失故 以日星為紀故事可列也 注

民不假督勵而事自勸成也 以日星為候興作有次第正義列猶次第也日 月以為

中星烏敬授民時無失早晚故民事有次第也 量故功有藝也 注藝猶才也十二月各有分猶人之才各

有所長也藝或為倪正義聖人隨人才而 教則人竭其才之所長而為功故云功有藝也陸農師曰

月以為量成虧相備故功有藝極也胡邦衡曰藝極也春 秋傳貢賦無藝王氏引之曰當以陸氏胡氏之說為是藝

之言臬臬極也法也準也上文以日星為紀故事可列也 注事以日星為候興作有次第此功亦謂興作如農功土

功之類月以為量則蚤莫有準如三之日于耜四之日舉 趾及九月除道十月成梁皆是下文協於分藝謂合於分

月而行之法制也又曰義者藝之分仁之節也謂義本因

時之宜乃法制之有分別者鬼神以為徒故事有守也注

也鄭皆以藝為才胥失之矣注川守職不移正義事五行以為質故事可復也注復由上始

無失業故有守也注也正義周而復始運週禮義以為器故事行有考也注成也

無窮故云可復復反也注器利則事成正義工欲善其事必先利其器人情以為田

禮義是器之利者故所治之事行必有成也注故人以為奧也注民下人是聖人聖人以為田主則情不荒

廢四靈以為畜故飲食有由也注既為聖人所畜則其屬並隨其長而至○暗丁古反

何為四靈麟鳳龜龍謂之四靈故龍以為畜故魚鮪不淦

注淦之言閃也正義淦水中驚走也說文淦濁也段氏玉

裁曰義與澱淤滓相類禮運注淦之言閃濁其本義閃其

引伸假借 鳳以為畜故鳥不獠麟以為畜故獸不狘注飛

走之貌也錢氏大昕曰獠釋文本作喬周禮大司樂注引亦作喬俗從犬誤說文走部有趨訓狂走即鳥不喬之喬

說文蹠輕也廣雅蹠疾也王氏念孫曰蹠狻聲義並同 龜以為畜故人情不失注失猶去

也龜北方之靈信則至矣正義謂之靈者皆有神靈異於他物龜知人情善惡故人各守其行其情不失也此言感

信則上亦感仁義禮而至也○鮪于軌反淦音審獠況必反狘况越反

故先王秉著龜列祭祀瘞繪宣祝嘏辭說設制度故國有

禮官有御事有職禮有序注皆卜筮所造置也埋牲曰瘞幣帛曰繪宣猶揚也繪或作贈

正義先王將有大事必秉執著龜而問吉凶凡卜皆先筮

故兼言之也陳列祭祀謂郊廟以下皆用卜筮也繪之言贈也謂埋告又贈神也制度謂造宮室城隍車旗之屬國

既有禮故百官各御其事官既有御故百事各有職主凡

所行禮皆有次序也江氏永曰瘞繪謂埋制幣也若以瘞為埋牲則繪字單舉不辭。著音尸瘞於例反繪似仍反故先王患禮之不達於下也注患下不信也故祭帝於郊所以定

天位也祀社於國所以列地利也祖廟所以本仁也山川

所以儻鬼神也五祀所以本事也故宗祝在廟三公在朝

三老在學王前巫而後史王氏懋竝曰此史乃祝史非記言動之史也春秋傳史噐史墨

史趙卜筮瞽侑皆在左右王中心無為也以守至正注此所以

達禮於下也教民尊神慎居處也宗宗人也瞽樂人也侑

四輔也正義天子至尊而猶祭於郊以行臣禮是欲使嚴

上之禮達於下天高在上故云定天位祭社欲使報恩之

禮達於下地出財故云列地利在宗廟以子禮事尸是欲

使仁義之教達於下自祭山川是欲使儻敬鬼神之教達

於下自祭五祀是欲使本事之教達於下五祀是制度故

云本事宗宗伯也祝大祝也王在宗廟則委於宗祝在朝  
職事則委任三公在學乞言則受之三老弔臨則前委於  
巫既言前巫故云後史卜筮主決疑示不自專故並置左  
右既祭祀尊神委任得人故中心無爲以守至正之道也  
○儋皇音賓  
舊必信反

故禮行於郊而百神受職焉禮行於社而百貨可極焉禮

行於祖廟而孝慈服焉禮行於五祀而正法則焉注言信得其禮

則神物與人皆應之百神列宿也百貨金玉之屬故自郊社祖廟山川五祀義之

修而禮之藏也注修猶飾也藏若其城郭然正義百神天之羣神也王郊天備禮則星辰不忒故云

受職王祀社盡禮則五穀豐稔金玉露形盡爲國家之用故云可極王祭廟盡禮而天下皆服行孝慈也王云孝慈之道爲遠近所服也前有山川與作此不言者法則包之也

是故夫禮必本於大一分而為天地轉而為陰陽變而為

四時列而為鬼神其降曰命

注聖人象此下之以為教令

其官於天也

注官猶法也此聖人所以法於天也正義大一者謂天地未分混沌之元氣也極大曰大未分曰一元氣既分輕清為天在上重濁為地在下制禮者法之以立尊卑之位也天地既分天之氣運轉為陽地之氣運轉為陰制禮者貴左以象陽貴右以法陰又因陽時而行賞因陰時而行罰也陽氣則變為春夏陰氣則變為秋冬吉禮則有四面之坐凶時有恩理節權是法四時也鬼神謂生成萬物四時變化生成萬物皆是鬼神之功聖人制禮則陳列鬼神之可以為

夫禮必本於天

注本於大一與天之義

動而之地

注後法地也

列而之事

注後法五祀五祀所以本事也

變而從時

注後法四時

協於分藝

注協合也言禮合於月之



分猶人其居人也曰養注養當為義字之誤也下之則為教令居人身為義孝經說曰義由

人出正義按聖證論王肅以下云獲而弗食食而弗肥字宜曰養馬彥醇曰居人曰養禮所以養人也荀子曰恭敬

辭讓所以養安禮義文理所以養情聖人之道寓於度數之間莫非順性命之理所以養人也其行之以

貨力辭讓飲食冠昏喪祭射御朝聘注貨摯幣庭實也力筋骸強者也不則偃

罷正義辭讓賓主三辭三讓飲食饗食之屬冠二十成人而冠昏三十而取射五射御五馭朝五年朝及諸侯自相

朝相見之禮聘謂比年一小聘三年一大聘○冠古亂反

故禮義也者人之大端也所以講信修睦而固人之肌膚之會筋骸之束也所以養生送死事鬼神之大端也所以

達天道順人情之大寶也注寶孔穴也正義孔穴開通人之出入禮義亦是人之所出入

故唯聖人爲知禮之不可以已也故壞國喪家亡人必先

去其禮

注言愚者之反聖人也。寶音豆壞音怪喪息浪反。

故禮之於人也猶酒之有藥也君子以厚小人以薄

注皆得以

爲美味性善者醇耳正義譬如釀酒須麴藥則成君子譬  
精米嘉器則其味醇和小人譬粗米弊器則其味醜薄。

藥魚列反

故聖王修義之柄禮之序以治人情

注治者去瑕穢養菁華也

故人情

者聖王之田也修禮以耕之

注和其剛柔

陳義以種之

注樹以善道

講學以耨之

注存是去非類也釋文耨鉏也

本仁以聚之

注合其所盛

播樂以

安之

注感動使之堅固

故禮也者義之實也協諸義而協

注協合也合禮

於義則與義注以其合則禮雖先王未之有可以義起也於義可以

義起注藝猶義者藝之分仁之節也才也協於藝講於仁得之

者強注有義則仁者義之本也順之體也得之者尊注有

人仰之也正義土地是農夫之田人情亦聖王之田農夫

用耒耜和其剛柔聖人以禮耕人情正其上下耕田以善

種種之聖王以善道教之農夫勤力耘耨去草養苗則善

聖王以善道教民又講說學習以勸課之存是去非則善

也農夫既勤耘耨苗稼成熟本此仁恩聚集善道使不廢棄也

令浪費聖王勸課行善本此仁恩聚集善道使不廢棄也

播布也收穫既畢布其歡樂之心以安美之聖王既勸民

善道又說樂感動使其勤行善道保寧堅固也禮是造物

為實義以修飾為禮之華故云義之實也禮既與義合先

無其禮臨時以義斷之庾云謂先王制禮雖所未有而合

於義則可行以義與禮合也義者裁斷合宜仁施也人有

才能又有仁施一切皆須義斷但義主斷割能服於人故

得義者強仁是恩施衆所敬仰

故得仁者尊也。耨奴豆反

故治國不以禮猶無耜而耕也

注無以入也

為禮不本於義猶

耕而弗種也

注嘉穀無山生也釋文何休注公羊云弗者不之深也

為義而不講之

以學猶種而弗耨也

注苗不殖草不除

講之以學而不合之以仁

猶耨而弗穫也

注無以知收之豐荒也

合之以仁而不安之以樂猶

穫而弗食也

注不知味之甘苦

安之以樂而不達於順猶食而弗

肥也

注功不見也

四體既正膚革充盈人之肥也父子篤兄弟

睦夫婦和家之肥也大臣法小臣廉官職相序君臣相正

國之肥也天子以德為車以樂為御諸侯以禮相與大夫

以法相序士以信相考百姓以睦相守天下之肥也是謂

大順大順者所以養生送死事鬼神之常也注常謂皆有禮用無匱乏

也車或為居故事大積焉而不苑並行而不繆細行而不失深

而通茂而有間連而不相及也動而不相害也此順之至

也注言人皆明於禮無有蓄亂滯合者故明於順然後能

守危也注能守自危之道也君子居安如危小人居危如

安易曰危者安其位正義熊氏云此普據天下萬

事有大有細有深有通有連有動言人明禮順政事大小

深淺並得其宜是順之至極也能守危者既明順道不敢

為非則能守自危之道謂以危戒慎而自守保也新安王

氏曰幽遠謂之深其勢易隔惟順則其情必通衆多謂之

茂其勢易雜惟順則其分有間吳幼清曰合之以仁謂聚

衆理於一心仁而未能安是與仁為二也仁未為我之所

有成於樂而安於仁則與仁為一矣鄭氏元慶曰心處此  
事而彼事又來然先者先後者後無不迎刃而解不相連  
及也一時區處兩事俱發然彼為彼此為此無不隨事區  
分不相妨害也王氏懋竑曰深而通茂而有間即細行而  
不失連而不相及即事大積焉而不苑也動而不相害即  
並行而不謬也彬謂苑與鬱同詩小雅我心苑結毛傳苑  
猶屈也積也。耜音似獲  
戶郭反苑于粉反繆音謬

故禮之不同也不豐也不殺也所以持情而合危也注豐殺謂

天子及士名位不同禮亦異數所以拱持其情合安其危故聖王所以順山者不使居

川不使渚者居中原而弗做也注小洲曰渚廣平曰原山者利其禽獸渚者利其魚

鹽中原利其五穀使各居其所安不易其利勞做之也民失其業則窮窮則濫淮南子注曰水中可居者曰渚用

水火金木飲食必時注用水謂漁人以時漁為梁春獻鱉

水火金木飲食必時注用水謂漁人以時漁為梁春獻鱉  
夏秋獻龜魚也用火謂司燿四時變

國火以救時疾及季春出火季秋納火也用金謂什人以時取金玉錫石也用木謂山虞仲冬斬陽木仲夏斬陰木

飲食謂食齊視春時羹齊視夏時醬齊視秋時飲齊視冬時合男女頒爵位必當年德

注謂媒氏令男三十而取女二十而嫁司士稽士任進退其爵祿也用民必順注不奪農時故無

水旱昆蟲之災民無凶饑妖孽之疾注言大順之時陰陽和也昆蟲之災螟螽

之屬也釋文孽又作蠱妖又作祆說文云衣服故天不愛歌謠草木之怪謂之祆禽獸蟲蝗之怪謂之蠱

其道地不愛其寶人不愛其情注言嘉瑞出人情至也王氏引之曰不愛謂不隱藏

也大雅烝民篇愛莫助之毛傳愛隱也字或作夔爾雅曰夔隱也天不隱道地不隱寶即下文所云天降膏露地出醴泉

醴泉也人不隱其情即上文所故天降膏露地出醴泉爾雅

謂人情不失也失當讀為佚釋天甘雨時降萬山出器車河出馬圖鳳皇麒麟皆在郊物以嘉謂之醴泉

椒龜龍在宮沼其餘鳥獸之卵胎皆可俯而窺也

注膏猶甘也器

若銀籩丹飯也馬圖龍馬負圖而出也椒聚草也沼池也

釋文椒澤也本或作藪說文麒麟麟仁獸也段氏玉裁曰

公羊傳曰麟者仁獸也毛詩傳曰麟信而應禮左傳服虔

注麟中央土獸土為信五經異義許慎謹按禮運麟鳳龜

龍謂之四靈龍東方也虎西方也鳳南方也龜北方也麟

中央也是異義謂麟為信獸從左毛說而此云仁獸何也

異義早成解字晚定從公羊說彬謂司馬相如子虛賦象

與婉僎於西清裴駟史記集解引漢書音義曰山出象與

瑞應車記雜出於秦漢之手則無故注非有他事先王

疑瑞應車即器車之類與

能修禮以達義體信以達順故此順之實也

注實猶誠也盡也正義頌

分也合男女使當其年頌爵位必當其德鳥獸各隨其長

而至故生乳衆多也俯下頭也鳥不畏人故可窺其巢卵

也。殺所戒反渚之汝反當丁浪

反孽魚列反椒素口反沼之紹反



禮記訓纂卷九終

禮記訓纂卷十

寶應朱彬輯

禮器第十

正義鄭目錄云名為禮器者以其記禮使人成器之義也故孔子謂子貢汝器也曰何器

也曰瑚璉也此於別錄屬制度

禮器是故大備大備盛德也

注禮器言禮使人成器如耒

禮以耕之此是也大備自耕至於食之而肥王氏懋竑曰

器當指形名度數而言舉一器而形名度數皆該其中大

備則經禮三百曲禮三千皆無所禮釋曰增美質措則正

不詳而動容周旋中禮非盛德乎禮釋曰增美質措則正

施則行

注釋猶去也同邪僻也質猶性也措置也正義用禮為器能除去人之邪惡有美性又能增益之也

置禮在身則身正也施用

其在人也如竹箭之有筠也如

也禮用事事皆行也

松柏之有心也二者居天下之大端矣故貫四時而不改

柯易葉

注箭篠也端本也四物於天下最得氣之本或柔刃於外或和澤於內用此不變傷也人之得禮亦

猶然也釋文筠鄭云竹之青皮也正義言人情備德由於

有禮譬如竹箭四時蔥翠由於外有筠也人經夷險不變

其德如松柏陵寒而鬱茂由其內心貞和故也貫經也既

得氣之本故經四時柯葉無凋改也王氏懋竑曰竹箭中

虛故以筠言松柏中實故以心言大端言此天下之物之

大者貫四時而不改柯易葉猶所云雖之夷狄不可棄也

竹箭有筠飾於外者似禮之文故君子有禮則外諧而內

松柏有心主於內者似禮之本

無怨

注人協服也釋詁諧和也

故物無不懷仁鬼神饗德

注懷歸也正義以其有禮

接人故內外協服由內外協服故悉歸仁鬼神依人而行

物既懷仁故神亦饗德也○措七路反筠子貧反貫古亂

反柯古

何反

先王之立禮也有本有文忠信禮之本也義理禮之文也

無本不立無文不行注言必外禮也者合於天時設於地

財順於鬼神合於人心理萬物者也注鬼神所祀事有德也王氏念孫曰廣雅

設合也設於地財者謂合於地理之宜也王氏引之日廣雅

於天時設於地財順於鬼神合於人心四句文是故天時

有生也地理有宜也人官有能也物曲有利也注言皆有異故

天不生地不養君子不以爲禮鬼神弗饗也注天不生謂非其時物也

地不養謂非此地所生居山以魚鼈爲禮居澤以鹿豕爲禮君子謂

之不知禮注不順其鄉故必舉其定國之數以爲禮之大

經注定國之數謂地物所出多少禮之大倫以地廣狹注謂貢賦之常差禮之薄

厚與年之上下注用年之豐內也王氏引之曰上言以下言與與即也以也言禮之大倫則以地之廣

狹定之禮之薄厚則以年之上下定之與訓為以故鄭注以用字釋之用亦以也是故年雖大殺

眾不匡懼則上之制禮也節矣注言用之有節也殺謂穀不孰也匡猶恐也正義忠

者內盡於心信者外不欺於物內盡於心故與物無怨外不欺物故與物相諧禮雖用忠信為本又須義理為文飾

也合天時者依於四時及豐儉隨時也設地財者所設用物各是其土地之物也順鬼神者鬼神助天地為化祀之

必順不濫逆也合人心者書云謀及卿士謀及庶人謀及卜筮是也若能事事如上則行葦得所豚魚戴賴是萬物

各得其理也天時有生者若春薦韭夏薦麥魚是也地理有宜者若高田宜黍稷下田宜稻麥是也人官有能者

若司徒奉牛司馬奉羊及庖人治庖祝治尊俎是也物曲有利者若麴蘖利為酒醴絲竹利為琴笙皆自然也天不

生謂非時之物若寒瓜夏橘李梅冬實之屬也地不養若山之魚鼈澤之鹿豕也經法也倫猶例也廣狹隨地而賦豐因逐時而斂衆之不忍並由君上制禮有節故也○狹音洽上時掌反殺色戒反

禮時為大順次之體次之宜次之稱次之注言聖人制禮所先後也堯

授舜舜授禹湯放桀武王伐紂時也注言受命改制度詩云匪革

其猶聿追來孝注革急也猶道也聿述也言文王改作者非必欲急行已之道乃追述先祖之業來

居此為孝正義今詩本革作棘猶作欲聿作適注來勤也言作豐邑非急成已之欲乃追述王季勤行孝之道也

天地之祭宗廟之事父子之道君臣之義倫也注倫之言順也社

稷山川之事鬼神之事祭體也注天地人之別體也喪祭之用賓客之

交義也注義之言宜也人道之宜羔豚而祭百官皆足王氏慈幼曰羔豚指少牢言即

羊豕也。大牢而祭，不必有餘，此之謂稱也。注：足猶得也。稱，稱性之大小而為俎。

此指謂助祭者耳。而云百官喻眾也。陳用之日，天地宗廟尊親之倫也。父子君臣尊卑之倫也。社稷山川地祇之祀，人鬼天神之祭三者之體固異。蓋天神以陽為體，地祇以陰為體，人鬼則魂以陽為體，魄以陰為體也。喪之用則不儉，其親祭之用則必盡其物，賓之交則禮，殺客之交則禮，隆皆從其義而已矣。羔豚而祭，薄也。大牢之祭，豐也。求其稱而已。蓋順主仁體主禮，宜與稱主義。所主雖殊，而其為禮一也。彬按：通典羔豚則薦，新之禮。大牢則時祭之禮也。○稱尺證反。

革紀力反。

諸侯以龜為寶，以圭為瑞。家不寶龜。廣雅：宗藏也。彬謂宗與寶古字通。不

藏圭，不臺門，言有稱也。注：古者貨貝寶龜。大夫以下有貨耳。易曰：十朋之龜，瑞信也。諸侯執

瑞孤，則以下執摯。闈者謂之臺。正義：諸侯有保土之重，宜須占詳吉凶，故以龜為寶。天子得天之物，謂之瑞。諸侯受

封於天子天子與之玉亦謂爲瑞也家卿大夫也大夫卑  
不得寶龜故臧文仲以蔡爲僭也卿大夫不執玉故不得  
藏圭兩邊築閣爲基基上起屋曰臺門諸侯有保捍之重故爲臺門

禮有以多爲貴者天子七廟諸侯五大夫三士一天子之  
豆二十有六諸公十有六諸侯十有二上大夫八下大夫

六注豆之數謂天子朔食諸侯相食及食大夫公食大夫

禮曰宰夫自東房薦豆六設于醬東此食下大夫而豆

六則其餘著矣聘禮致饗餼于上大夫堂上八豆設于戶

西則凡致饗餼堂上之豆數亦如此周禮公之豆四十其

東西夾各十有二侯伯之豆三十有二其東西夾各十子  
男之豆二十有四其東西夾各六正義士一廟據下士適  
土則二廟也諸侯侯伯子男也天子二十六豆上大夫八  
豆下大夫六豆皆爲正羞設於堂上案聘禮致饗餼於上  
大夫堂上八豆西夾六豆東方亦如之上公堂上十六豆  
故知東西夾各十二侯伯堂上十二故知東西夾各十也



子男堂上亦十二故知東西夾各六也王氏引之曰謹案由公而侯而上大夫皆降殺以四而以天子而公則降殺以十多寡不齊非其實也天子與諸公爲君臣猶諸侯之與上大夫也諸侯多於上大夫四豆而天子多於諸公乃十豆增減之例亦不相準疑本作天子之豆二十因下文諸公十有六遂衍有六二字二十者五四之合數也故其降殺以四四四而得一十六故諸公十有六也三四而得一十二故諸侯十有二也二四而得八故上大夫八也下大夫再命但卑於上大夫一命故降殺以四之半而爲六也若二十有六則既多於四六之合數又少於四七之合數將何以爲降殺之本乎鄭注以此豆數爲堂上之豆說曰周禮公之豆四十其東西夾各十有二侯伯之豆三十有二其東西夾各十子男之豆二十有四其東西夾各六是鄭稽合周禮禮器之豆數也天子之豆周禮雖不言其數然公以下之豆或四十或三十有二或二十有四皆登降以八則由公豆四十而登之天子之豆當爲四十有八而在堂上者二十東西夾各十有四其數正相合也若謂堂上之豆二十有六則東西夾各十有一非鼎俎奇而邊

豆偶之義矣

諸侯七介七牢大夫五介五牢天子之席五重諸

侯之席三重大夫再重

注諸侯七介七牢者周之侯伯也大夫五介五牢者侯伯之卿使聘

者也周禮上公九介九牢侯伯七介七牢子男五介五牢聘義所云上公七介侯伯五介子男三介乃謂其使者也正義案大行人云凡卿大夫士之禮各下其君二等侯伯七介七牢故卿大夫五介五牢也五等之卿同牢今言五牢者唯據侯伯之卿降君二等也其餘牢禮則否介副也牢大牢也謂諸侯朝天子天子以大牢禮賜之也周禮公九介九牢侯伯七子男五今言七舉中言之大夫五介五牢者臣為君使各降其君二等此五介五牢謂侯伯之卿亦舉中言之熊氏云天子祫祭席五重此文是也禘則宜四重時祭三重司几筵職是也受神酢席亦然祭天則蒲越橐鞞郊特牲云是也自天地以外日月山川五祀則鬼神之祭單席是也

天子崩七月而葬五重八襲諸侯五月而葬三重六襲大

夫三月而葬再重四襲此以多為貴也

注天子葬五重者謂抗木與茵也葬

者抗木在上茵在下士喪禮下篇陳器曰抗木橫三縮二加抗席三加茵用疏布緇翦有幅亦縮二橫三此士之禮一重者以此差之上公四重正義古者為椁累木於其四邊上下不周致茵於椁下所以藉棺從上下棺之後又置坑木於椁之上所以抗載於土王氏懋竝曰自禮有以多為貴者至蓋言稱也皆發明稱字意此以下三節又舉多少覆解之以見例自君子大牢至得其道矣仍言稱字意也。重直龍反下皆同襲所甲反

有以少為貴者天子無介祭天特牲天子適諸侯諸侯膳

以饋諸侯相朝灌用鬱鬯無籩豆之薦大夫聘禮以脯醢

天子一食諸侯再大夫士三食力無數大路繁纓一就次

路繁纓七就圭璋特琥璜爵鬼神之神之祭單席諸侯視朝大

夫特士旅之此以少為貴也

注天子無介無客禮也灌獻也一食再食三食謂告飽也

食力謂工商農也大路繁纓一就殷祭天之車也周禮王

之五路玉路繁纓十有二就金路九就象路七就革路五

就木路翦繁鵠纓圭璋特朝聘以為瑞無幣帛也琥璜爵

者天子酬諸侯諸侯相酬以此玉將幣也大夫特士旅之

謂君揖之正義天子以天下為家既不為賓客故無介也

諸侯事天子如天子事天天子事天既用一牛故天子巡

守過諸侯竟諸侯奉膳亦止一牛而已諸侯相朝謂五等

自相朝也諸侯膳天子無鬱鬯自相朝朝享禮畢未饗食

之前主君酌鬱鬯之酒以獻賓示相接以芬芳之德不在

殺味也無籩豆之薦者義在少而不在味故唯有鬯而無

殺也食力庶人之屬以其無德不仕無祿代耕但陳力就

業乃得食殷質以木為車無別雕飾乘以祭天謂之大路

也繁馬腹帶也纓鞅也染絲而織之曰罽五色一布曰就

就成也郊特牲云次路五就鄭注以此七為誤圭璋玉中

之貴也特謂不用他物饒之也諸侯朝王以圭朝后執璋

天子饗諸侯或諸侯自相饗行禮至酬時則有幣將送酬

爵又有琥璜之玉將幣琥璜既賤不能特達故附爵乃通也崔氏曰諸侯貴者以琥賤者以璜則公侯以琥伯子男以璜也聘禮曰聘君以圭聘夫人以璋典瑞云公執桓圭侯執信圭伯執躬圭諸侯以相見及朝天子亦無束帛又小行人云以玉合六幣圭以馬注云二王之後享天子璋以皮注云二王之後享后皮馬不上堂唯圭璋特升堂亦是圭璋特義也單席者神道異人不假多重視朝謂日出視諸臣之朝也特猶獨也旅眾也若大夫則君人人指之士不問多少君共一揖也江氏永曰司几筵祭祀席不單者為尸設席此為神設席周禮士旁三揖非一揖也以三等分言之謂上士一揖中士一揖下士一揖則可耳○饋音獨朝直遙反灌古亂反繁步干反琥音虎璜音黃單音丹

有以大為貴者宮室之量器皿之度棺槨之厚邱封之大

此以大為貴也方性夫曰周官典命宮室以命數為節自上公至子男或以九或以五此宮室以大

為貴也天子之路謂之大路弓謂之大弓斗謂之大斗房  
謂之大房此器皿以大為貴也尊者之棺四重卑者止  
重椁周於棺此棺椁以大為貴也豕人以爵等為邱封之  
度此邱封以大為貴也於宮室言量於器皿言度互相備  
也車旗之屬可謂之器不可謂之皿邊豆之屬可謂之皿  
亦可謂之器自積土言之謂之邱自度土言之則曰封曰  
邱則必高矣曰  
封則不必高也

有以小為貴者宗廟之祭貴者獻以爵說文獻禮器也象爵之形中有鬯酒

又持之也所以飲器象爵者取其鳴節足足也三禮圖  
曰爵受一升尾長六寸博二寸傳翼銳下方足漆赤雲氣

賤者獻以散三禮圖云散受五升尊者舉解說文解鄉飲酒角也禮曰一人洗舉解解受四

升解解或從辰觚禮經解卑者舉角五獻之尊門外缶說文缶瓦器所以盛酒漿方言

缶謂之甗甗其門內壺甗崇義三禮圖云舊圖云酒壺受一斛口徑尺足高二寸徑尺反爵

禮記加卷 卷十 七

著壺漆赤中有畫飾禮文經注無此形制臣崇義按昭二

十五年公羊傳云齊侯唁公于野井國子執壺漿何休云

壺禮器腹方口圓曰壺反之曰方壺有爵飾蓋此壺也又

疏云刻畫爵形以飾壺體今以黍尺計之上下空徑一尺

四寸方橫徑一尺一

寸強乃容一斛之數君尊瓦甒方言甒豐也周魏之間謂

鄭注古文甒皆作廡聶氏三禮圖曰舊圖云醴甒以瓦為

之受五斗口徑一尺脰高二寸大中身兌下平底今依此

以黍尺計之腹中橫徑八寸腹橫徑一尺二寸底徑六寸

自脰下至腹橫徑四寸自腹徑至底徑深八寸乃容五斗

之數與瓦注凡觴一升曰爵二升曰觚三

大並有蓋此以小為貴也升曰觶四升曰角五升曰散五

獻子男之饗禮也壺大一石瓦甒五斗缶大小未聞也易

曰尊酒簋貳用缶正義案特性云主人獻尸用角佐食洗

散以獻尸是尊者小卑者大崔氏云案特性少牢禮尸入

舉奠觶是尊者舉觶特性主人受尸酢受角飲者是卑者

舉角凡饗禮獻數各隨其命子男五命知五獻是子男君

尊子男尊也瓦甒云君尊則壺缶但飲諸臣也不云內外

陳之在堂人君面尊專惠也按禮圖瓦大受五斗口徑尺  
頸高二寸徑尺大中身銳下平瓦無與瓦大同○散悉且  
反解支鼓反缶  
方有反無音武

有以高為貴者天子之堂九尺諸侯七尺大夫五尺士三

尺天子諸侯臺門此以高為貴也說文尺十寸也人手卻十分動脈為寸口十寸

為尺尺所以指尸規築事也从尸从乙乙所識也周制寸  
尺咫尋常仞諸度量皆以人之體為法正義天子堂九尺  
周法也廣韻白虎通曰天子之堂高九尺天子尊故極陽  
之勢九尺也堂之為言明也所以明禮義也江氏永曰考  
工記周人明堂度九尺之筵堂崇一筵是九尺有明文上  
公雖以九為節堂上之制度如山節藻稅復廟重檐刮楹  
達鄉之類當有不得而  
同者不嫌其同九尺也

有以下為貴者至敬不壇埽地而祭天子諸侯之尊廢禁



大夫士櫛禁此以下為貴也

注廢猶去也櫛斯禁也謂之櫛者無足有似於櫛或因名

云耳大夫用斯禁士用禁如今方案隋長局足高三寸正義司尊彝犧象六尊皆無用舟又燕禮諸侯之法瓦大兩有鬯是無禁也大夫士櫛禁者謂大夫用櫛士用禁櫛長四尺廣二尺四寸深五寸無足赤中畫青雲氣菱苕華為飾禁長四尺廣二尺四寸通局足高三寸漆赤中畫青雲氣菱苕華為飾刻其足為褰帷之形也櫛是鬻名鄭注特牲云上有四周下無足今斯禁亦無足故因名櫛耳鄭注士冠禮云名之禁者因為酒戒也○壇大丹反櫛於據反禮有以文為貴者天子龍衮

說文衮天子享先王卷龍繡於下幅一龍蟠阿上鄉諸

侯黼大夫黻士元衣纁裳天子之冕朱綠藻十有二旒諸

侯九上大夫七下大夫五士三此以文為貴也

注此祭冕服也朱綠

似夏殷禮也周禮天子五采藻五經義曰禮器曰冕冠長六寸廣八寸員前冕緇布在上五采組十二夏殷之冕如

周制矣其旒色異夏冕黑白赤組旒殷冕黑黃青組旒正義熊氏云朱綠以下夏殷禮其天子龍袞諸侯黼大夫黻等皆周法無嫌諸侯雖九章七章以下其中有黼也孤絺冕而下其中有黻特舉黼黻而言耳故詩采芣云元袞及黼是特言黼也詩終南美秦襄公黻衣繡裳是特言黻也江氏永曰按冕旒本有前無後故此經及玉藻刻特性皆云十二旒不云二十四旒東方朔明言冕而前旒所以蔽明後旒將安所取

有以素為貴者至敬無文父黨無容王氏念孫曰黨所也言父所不敢為容也

內則在父母之所不有敬事不敢袒袒鄭注曰父黨無容是其明證矣大圭不琢大羹不和

大路素而越席犧尊疏布鄭注幕人云以巾覆物曰幕天地之神尚質故用疏布巾

也也櫛杓此以素為貴也注大圭長三尺杼上終葵首琢當為篆字之誤也明堂位曰大路殷

路也或作幕櫛木白理也正義至敬謂祭天服用大裘是無文也大圭天子朝日月之圭也但標上終葵首而無

禮記川集 卷上 九

琢桓蒲之文也大羹肉汁也不和無鹽梅也越席蒲席也  
犧尊者刻尊為犧牛之形鄭云畫尊作鳳羽婆娑然疏麤  
也鼎覆也謂郊天時以麤布為巾以覆尊也貴素故用白  
理木為杓。琢字又作琢文轉反徐依字丁角反犧鄭素  
何反樺章善  
反杓市灼反

孔子曰禮不可不省也禮不同不豐不殺此之謂也蓋言

稱也

注省察也不同意異也正義不豐者應少不  
可多不殺者應多不可少也。殺所界反

禮之以多為貴者以其外心者也德發揚詡萬物大

博如此則得不以多為貴乎故君子樂其發也

注外心用  
心於外其

德在表也詡猶普也徧也發猶見也樂多其外見也正義  
言王者撫有四海宜發揚其德普徧萬物也庾云王功被  
於物君子樂其外見也鄭氏元慶曰說文理治玉也又治  
民治賦皆曰理此言大理者非道理之理乃治理之理也

德發揚謝萬物則能大理而物之所成者博矣彬  
謂德發揚為句謝萬物句。謝況矩反樂五孝反

禮之以少為貴者以其內心者也德產之致也精微注內心用

心於內其德在內致致密也正義觀天下之物無可以稱  
盧云天地之德所生至精至微也

其德者注萬物皆天所生孰可奉薦以稱也如此則得不以少為貴乎是故

君子慎其獨也注少其牲物致誠慤正義德天地之德也產生也王云欲徧取萬物以祭天終不能

稱其德報其功故以特饋貴誠慤之義也

古之聖人內之為尊外之為樂少之為貴多之為美是故

先王之制禮也不可多也不可寡也唯其稱也方性夫曰內外以心

書多少以物言即上文所言者是也或高或大或文亦外  
心也或下或小或素亦內心也稱其內心則以少為貴故

不可多稱其外必則以多  
為美故不可寡。案音格

是故君子大牢而祭謂之禮匹士大牢而祭謂之攘

注君子謂

大夫以上攘盜竊也正義大夫常祭少牢遣奠及卒哭祔  
用大牢匹士士也士常祭特豚遣奠卒哭祔加一等少牢  
若用大牢是盜竊用君  
子之禮也。攘如羊反

管仲鏤簋朱紘山節藻稅君子以為濫矣

注濫亦盜竊也鏤簋謂刻而飾

之大夫刻為龜耳諸侯飾以象天子飾以玉朱紘天子冕  
之紘也諸侯青組紘大夫士當緇組紘纁纁邊栢謂之節梁  
上楹謂之稅宮室之飾士首木大夫達棧諸侯斲而襲之  
天子加密石焉無畫山藻之禮也釋文稅當作椽梁上侏  
儒柱正義簋黍稷器也紘冕之飾用組為之以其組從下  
屈而上屬之於兩旁垂餘為纓山節謂刻柱頭為斗拱形  
如山也藻稅者謂畫梁上短柱為藻文也此是天子廟飾  
而管仲僭為之也。鏤力豆反簋音軌紘音宏稅章悅反

晏平仲祀其先人豚肩不掩豆澣衣濯冠以朝君子以為

隘矣

注隘猶狹陋也祀不以少牢與無田者同不盈禮也大夫士有田則祭無田則薦澣衣濯冠儉不務新釋

文隘狹也正義大夫祭用少牢士用特豚平仲今用豚又

小併豚兩肩不揜豆也必言肩者周人貴肩也肩在俎今

云豆喻其小假豆言之其實在俎不在豆也○澣

又作浣戶管反濯直角反朝直遙反隘於賣反

是故君子之行禮也不可不慎也眾之紀也紀散而眾亂

注言二大夫皆非也紀絲縷之數有紀王氏引之曰紀猶

綱也統也說文統紀也樂記中和之紀注曰紀總要之名

也紀與綱義相近禮散則孔子曰我戰則克祭則受福蓋

眾亂猶紀散而絲亂也

得其道矣

注克勝也彬謂此孔子自任之事鄭注我我知禮者也孔疏遂言君子務在謙光不應自言祭

祀受福之

事非也

君子曰祭祀不祈注祈求也祭祀不為求福也注不麾蚤注麾

之言快也祭有時不以先注詩云自求多福福由己耳注不樂葆大注謂器幣也注不善嘉

之為快也齊人所善曰麾注不樂葆大注葆之言褒也注不善嘉

事注嘉事之祭致夫人是也禮宜注告見於先祖耳不善之而祭注牲不及肥大薦不美多

品注以禮之義有以少為貴也正義孝子感霜露而思注親宜祭不以霜露未至而早設也葆者褒也褒崇高之

稱也祭之器幣有常幣通丈八尺豆盛四升不食高大也注嘉事冠昏也昏三月祭以告廟冠畢掃地而祭福並有為

而然非為善之而設祭牲謂郊牛繭栗不須並不肥大薦注祭品味有定不以多為美○麾毀皮反葆音保本又作保

孔子曰臧文仲安知禮夏父弗綦逆祀而弗止也燔柴於

輿注文仲魯公子彌之曾孫臧孫辰也莊文之間為大夫注於時為賢是以非之不正禮也文二年八月丁卯大事

於大廟躋僖公始逆祀是夏父弗綦為宗伯之為也奧當注為爨字之誤也或作窳禮尸卒食而祭饔饗饗饗也時人

以爲祭火神乃燔柴正義案世本孝公生僖伯彊彊生夫  
哀伯達達生伯氏瓶瓶生文仲辰是公子彊曾孫也

與者老婦之祭也盛於盆尊於瓶注老婦先炊者也盆瓶

祭火神燔柴似失之說文爨齊謂之炊方言缶其小者謂

之甗五經異義曰顛項有子曰黎爲祝融火正也祀以爲

竈神○綦音忌奧依注  
作爨七亂反瓶步丁反

禮也者猶體也注若人身體體不備君子謂之不成人設之不

當猶不備也吳幼清曰設謂所置之處彬謂此指禮言禮有大有小有顯有微

大者不可損小者不可益顯者不可揜微者不可大也故

經禮三百曲禮三千其致一也注致之言至也一謂誠也

其官有三百六十曲猶事也事禮謂今禮也禮篇多亡本

數未聞其中事儀三千馬彥醇曰經禮者曲禮之總曲禮



者經禮

之別 未有入室而不由戶者

注三百三千皆由誠也正 義人身體髮膚骨血筋脈

備足乃為成人若片許不備便不為成人也室

猶禮也戶猶誠也入室必由戶行禮必由誠

君子之於禮也有所竭情盡慎致其敬而誠若

注謂以少 小下素為

也 有美而文而誠若

注謂以多大高文為貴也吳幼清曰 若者句末之助辭猶易之出涕沱若

若 戚嗟

君子之於禮也有直而行也

注謂若始死 哭踊無節也

有曲而殺也

注謂

若父在為 母期也

有經而等也

注謂若天子以下至 士庶人為父母三年

有順而討也

注討猶去也謂若天子以十二公 以九侯伯以七子男以五為節也

有擻而播也

注擻之言 芟也謂芟

殺有所與也若祭者貴賤皆有所得不使虛也段氏王哉 注說文擊字曰蒼頡篇擻拍取也鄭曰擻之言芟也按芟

刈草也擊本訓芟夷謂於此少與得分以與彼有推而進

是芟殺上貴之分以布徧於賤者謂之擻而播注謂若王者之後有放而文也注謂若天子之服有放

也注謂若天子之禮有放而文也象日月以至黼黻有放而不致也注謂若諸侯自山龍有順而摭也注謂若君沐

士沐梁說文摭拾也方言摭取也正義摭猶拾取也○擻所監反放方往反摭之不反

三代之禮一也民共由之或素或青夏造殷因注一也俱趨誠也由

用也素尚白青尚黑者也言所尚雖異禮則相因耳孔子

曰殷因於夏禮所損益可知也周因於殷禮所損益可知

也變白黑言素青者秦二世時趙高欲作亂或以青為黑

黑為黃民言從之至今語猶存也吳幼清曰言夏殷周三

代之禮雖小有損益而其所以為禮者則一故天下之民

皆可通行蓋損益而異者禮之文耳禮之本則相因不變

而無不同也

周坐尸詔侑武方其禮亦然其道一也

注言此亦周所因於殷也武當為無

聲之誤也方猶常也告尸行節勸尸飲食無常若孝子之

為也孝子就養無方詔侑或為詔囿正義詔告也侑勸也

子事父母就養無方故宗廟之中禮主於孝案特牲少牢

延尸及詔侑相尸之禮皆是祝官則是有常而云無常者

熊氏云謂就眾祝之中但是祝

官皆得為之不常用一祝也

夏立尸而卒祭

注夏禮尸有事乃坐

殷坐尸

注無事

周旅酬六尸

注使之相酌也后稷之尸發

爵不受旅正義夏六尸而卒

祭此更本殷周所損益相因也夏乃有尸言尸是人人不

可久坐神坐故唯飲食暫坐不飲食則倚立以至祭竟也

殷因夏立尸損其不坐之禮益為恒坐之法言尸本象神

神宜安坐不辨有事與無事也旅酬六尸謂禘祭時聚羣

廟之主於后稷廟中對為昭穆更相次序以酬也大禘多

主唯云六尸者先儒與王肅並云毀廟無尸但有主也

曾子曰周禮其猶醪與

注合錢飲酒為醪旅酬相酌似之

也王居明堂之禮仲秋乃命國醪

也

說文醪會飲酒也正義凡斂錢飲酒必非忘懷之酌得而  
遽飲必令平徧不偏頗與周禮旅酬相似也○侑音又本  
或作宥武音無醪  
其庶反與音餘

君子曰禮之近人情者非其至者也注近人情者褻而遠之者敬郊血

大饗腥三獻燭一獻孰注郊祭天也大饗禘祭先王也三獻祭社稷五祀一獻祭羣小祀也

爛沈肉於湯也血腥爛孰遠近備古今也尊者先遠差降

而下至小祀孰而已正義皇氏曰此據設之先後郊則先

設血也後設腥與爛孰雖以郊為主其祭天皆然大饗時

血腥同薦朝事迎尸于戶外薦血腥也宗廟之祭皆然其

三獻之祭血腥與爛一時同薦凡薦爛皆在薦腥之後但

社稷五祀初祭降神之時已埋血宗伯之文是也至正祭

薦爛之時又薦血此文是也若羣小祀之屬唯有薦孰無

血腥爛也以其神卑故耳先薦者設之在先後進者設之  
居是故君子之於禮也非作而致其情也注作起也敬非  
後是故君子之於禮也非作而致其情也注情也所以

彼此有由始也注有所法也是故七介以相見也不然則已慙

三辭三讓而至不然則已感注已猶甚也慙慙愿貌大愿則辭不見情無由至也正義

七介相見申賓主之情也舉中言之三辭三讓而至司儀賓至大門外交擯三辭君迎賓三讓入大門每門讓賓一

辭是三辭三讓而情意相至也故魯人將有事於上帝必先有事於類宮

注魯以周公之故得郊祀上帝與周同先有事於類宮告后稷也告之者將以配天先仁也類宮郊之學也詩所謂

類宮也字或為郊宮王氏引之日謹案注言詩所謂類宮也則正文必不作類宮而作郊宮蓋經言郊宮即魯頌之

類宮故曰郊宮郊之學也詩所謂類宮也郊之學也正釋郊宮二字字或為郊宮當作字或為類宮蓋郊宮即類宮

故本亦有作類宮者後人多聞類宮罕聞郊宮故改字以從之而詩所謂類宮一語遂以類宮釋類宮重複而不可

通矣金氏榜曰然則魯立類宮以祀后稷是以有在泮獻馘獻囚之事後因以為學謂之周學記言諸侯曰泮宮言

釋奠於學以訊馘告  
據魯禮為說者與  
晉人將有事於河必先有事於惡池

注惡當為呼聲之誤  
也呼池漚夷并州川  
齊人將有事於泰山必先有事於配

林注配林林名盧注配林小山林麓配泰山者也謂諸侯  
不郊天泰山巡省所考五嶽之宗故有事將祀之先即

其漸天子則否矣正義必先有事於類官者明有積漸之  
義有事於上帝謂祭天也類官告后稷告以將配天也有

事於河謂祭河也惡池小川先告從祀者然後祭河也有  
事於泰山祭泰山也配林泰山之從祀者也此皆積漸從

小至大三月繫七日戒三日宿慎之至也注繫繫牲于牢  
之義也

致齊也將有祭祀之事必注繫繫牲于牢  
先敬慎如此不敢切也故禮有擯詔樂有相步溫之至

也注皆為溫藉重禮也擯詔告道賓主者也相步扶工也  
詔或為紹○燭似廉反蹙本又作感子六反類本或作

泮依注音判惡依注音呼又  
作擘池大河反温紆運反

禮也者反本脩古不忘其初者也

正義脩定本及諸本作循字當作脩王氏念孫

曰案定本及諸本是也鈔本北堂書鈔禮儀部一引此亦作循古循古者遵循古道而不失正所謂不忘其初也下

文元酒之尚鸞刀之貴橐鞞之設皆是循古非脩古也

故凶事不詔朝事以樂

注二者反

本也哭泣由中非由人也朝廷養賢以樂樂之也

醴酒之用元酒之尚割刀之用

鸞刀之貴莞簟之安而橐鞞之設

注三者脩古穗去實曰橐禹貢三百里納鞞服

是故先王之制禮也必有主也故可述而多學也

注主謂本與古

也以本與古求之而已○鸞力端反莞音官簟徒點反橐古老反鞞江八反

君子曰無節於內者觀物弗之察矣欲察物而不由禮弗

之得矣故作事不以禮弗之敬矣出言不以禮弗之信矣

故曰禮也者物之致也

注節猶驗也致之言至也極也正義內猶心也察猶分辨也

是故昔先王之制禮也因其財物而致其義焉爾故作大

事必順天時

注大事祭祀也春秋傳曰啟蟄而為朝夕必郊龍見而雩始殺而嘗閉蟄而烝

放於日月

注日出東方月生西方正義天子春分之日朝日於東門之外秋分之夕祀月於西門之外

為高必因邱陵

注謂冬至祭天於圜丘之上為下必因川澤  
注謂夏至祭地於方

澤之中是故天時雨澤君子達壺壺焉

注達猶皆也壺壺勉也君子愛物見天

雨澤皆勉勉勸樂應子容曰大事不止祭祀若動大衆與大役必順寒暑之時而為之節為朝夕若日出而作日入而息必因其晝夜之經而為之限為高若築臺觀為下若蓄陂池必因其有高下之勢而始用其力天時雨澤蓋陽和融液仁德流行出於天運之自然而不容止也君子感之仁孝愛敬之心發於中而達於外者亦勉勉而不容已



焉○聲

徐音尾

是故昔先王尙有德尊有道任有能舉賢而置之聚眾而

誓之注古者將有大事必選賢誓眾重事也是故因天事天因地事地注天

高者以事也地下注名猶大也因名山升中于天注猶成也謂巡守至

於方嶽燔柴祭天告以諸侯之成功也盧注封泰山告太

平升中和之氣於天也崔靈恩曰自周以前封者皆封土

為壇至秦皇漢武始用石檢因吉土以饗帝于郊注吉土王者所卜而

以四時所兆祭於四郊者也今漢亦四時迎氣其禮則簡

吳幼清曰因天因地言每歲園丘方澤之正祭名山吉土

言告祭之禮非常祭也書言至于岱宗柴望詩升中于天

而鳳皇降龜龍假

注功成而太平陰陽氣和而致象物

饗帝於郊而風雨節

寒暑時

注五帝主五行五行之氣和而庶徵得其序也是

故聖人南面而立而天下大治

注南面立者視朝正義以其尚德尊賢奉天事地陰

陽既合嘉瑞並來故聖人但朝夕視朝而天下大治。假音格

天道至教聖人至德

注目下事也

廟堂之上罍尊在阼犧尊在

西廟堂之下縣鼓在西應鼓在東

注禮樂之器尊西也小鼓謂之應犧周禮作獻

君在阼夫人在房

注人君尊東也天子諸侯有左右房

大明生於東月生於

西此陰陽之分夫婦之位也

注大明日也

君西酌犧象夫人東

酌罍尊

注象日出東方而西行也月出西方而東行也周禮曰春祠夏禴裸用雞彝鳥彝皆有舟其朝踐用

兩獻尊其再獻用兩象尊皆有罍諸臣之所酢

禮交動乎上樂交應乎下和之至

也注言交乃和正義罍尊在阼謂夫人所酌也儀尊在西

東方縣之熊氏云此謂諸侯時祭所用之禮故罍尊夫人

所酌若天子之祭則罍尊在堂下故禮運云澄酒在下君

於阼階西嚮酌儀尊夫人於西房之前東嚮酌罍尊君與

夫人酌獻之禮交相動於堂上縣鼓應鼓相應在於堂下

禮樂交相應會和諧之至極也○罍音雷儀素河反縣音元分扶問反

禮也者反其所自生注自由也制禮者本樂也者樂其所

自成注作樂者緣民所樂於已之功舜之民樂其紹是故

先王之制禮也以節事注動反修樂以道志注勸之故觀

其禮樂而治亂可知也注國亂禮慢遽伯玉曰君子之人

達注觀其禮樂則知治亂也故觀其器而知其工之巧觀

遽伯玉衛大夫也名瑗

其發而知其人之知注禮樂亦猶是也故曰君子慎其所以與人

者注將以是觀正義禮樂俱是象王業所由禮據王業之初樂據王業之末故云所自生所自成若能以禮節事

以樂道志則國治也若不以禮節事不以樂道志則國亂

也若禮正而樂和則知其國治若禮慢而樂淫則知其國亂也禮樂者與人交接之具故慎之。違其居反

大廟之內敬矣君親牽牲大夫贊幣而從注納牲於庭時也當用幣告神

而殺牲正義此謂裸鬯既訖君出廟門迎牲而納於庭之時也於時告殺大夫則贊佐執幣而從君乃用幣以告神

君親制祭夫人薦盞注親制祭謂朝事進血膋時所制者制肝洗於鬱鬯以祭於室及主正義

此謂殺牲已畢進血腥之時夫人薦盞齊以君親割牲夫

獻侯伯子男之君朝踐君不獻故夫人薦盞

人薦酒注親割謂進牲孰體時正義卿大夫從君命婦從

於時君亦不獻故夫人薦酒注親割謂進牲孰體時正義卿大夫從君命婦從

夫人洞洞乎其敬也屬屬乎其忠也勿勿乎其欲其饗之

也注勿勿猶勉勉也正義謂制祭割牲之時則卿大夫從君也薦盞酒之時命婦從夫人也洞洞質慤之貌屬屬

專一之貌納牲詔於庭血毛詔於室羹定詔於堂三詔皆不同

位蓋道求而之未得也注肉謂之羹道猶言也鄉飲酒禮羹定鄭注定猶孰也正義詔告也

謂牲入在庭以幣告神故云詔於庭血毛詔於室者謂殺性取血及毛入以告神於室羹肉湑也定孰肉也是薦孰

未食之設祭于堂注設祭之饌於堂人君禮為祈乎外注

祭明日之釋祭也謂之祈者於廟門之旁因各為其祭之禮既設祭於室而事尸於堂孝子求神非一處也李巡曰

祈故廟門名也故曰於彼乎於此乎注不知神之所在也○從才用反洞音慤屬之六反祈百

彭反

一獻質

注謂祭羣小祀也

三獻文

注謂祭社稷五祀

五獻祭

注祭明也謂祭四望山川

也釋詁

七獻神

注謂祭先公陳用之日周禮大祀次祀小祀見於肆師大祭中祭小祭見於酒正大

宗伯所辨

天地

五帝先王之類大祀也社稷五祀五嶽之

類中祀也

四方

百物之類小祀也大祀獻多小祀獻寡則

社稷所獻

宜加于

山川也先王祭服各有象數則希冕三

章以祭社

稷者非

卑之於山川以獻數不繫於服章也賓

客之禮士

一獻

卿大夫三獻子男五獻侯伯七獻上公九

獻而王饗

諸侯自

子男五獻以至諸侯長十有再獻皆服

鷩見七章

孰謂獻

數必繫於服章哉

大饗其王事與

注盛其饌與貢謂禘祭先王

三牲魚腊

說文昔乾肉也从殘肉日以晞

之與俎同意

四海九州之美味也邊豆之薦四時之和氣

葛籩文从肉

也

注此饌諸侯所獻

內金示和也

注此所貢也內之庭實先設之金從革性和荆揚二州貢金三

品王氏懋茲曰金主斷割無示和之意郊特牲以鐘次之

以和居參之也與此正同則金即指鐘而言鐘樂器故曰

示東帛加璧尊德也注貢享所執致命者龜為前列先知

也注龜知事情者陳於庭金次之見情也注金炤物金有

丹漆絲纊竹箭與眾共財也注萬民皆有此物荆州貢丹

貢絲其餘無常貨各以其國之所有則致遠物也注其餘

之外夷服鎮服蕃服之國周禮九州之外謂之蕃國世一

見各以其所貴寶為摯周穆王征犬戎得白狼白鹿近之

王氏引之曰其餘二字對上帛璧諸物言之言以上所陳

之貨有常而其餘則無常也其餘指貨言非指國言也國

之所有非必貴寶所謂遠物亦非必荒服之物凡不產於

畿內者皆遠物也郊特牲說朝聘旅幣文多與此同其曰

旅幣無方無方者無常也猶此言其餘無常貨也又曰所

以別土地之宜而節遠邇之期也猶此言各以其國之所

有則致其出也肆夏而送之蓋重禮也注出謂諸侯之賓也禮畢而出作樂

以節之肆夏當為咳夏鄭氏元慶曰此王饗諸侯之禮鄭氏以為祫祭非也王氏懋竑曰周禮疏大饗有三一祫祭

一饗五帝於郊一饗賓客大司樂所云大饗則饗賓客也此節鄭指祫祭蓋承大饗腥而言然金與龜及丹漆絲纁

竹箭皆非祭祀所用而三牲魚腊籩豆之薦則饗賓客亦皆有之疑此本言饗賓客之大饗而記禮者以為大饗腥

之大饗故記之於此又國語肆夏天子所以享元侯此亦言肆夏而送之略同○腊音昔內音納見賢遍反續音曠

肆依注作咳古來反

祀帝於郊敬之至也注言就而祭之不敢致也宗廟之祭仁之至也注仁

恩也父子喪禮忠之至也注謂哭踊袒襲也馬彥醇曰人死斯惡之矣無能斯倍之矣先

王為之禮使民不惡不倍而盡心備服器仁之至也注謂於死者必誠必信故曰忠之至也小斂



大斂之衣服 賓客之用幣 義之至也 注謂來賻贈鄭氏元慶曰服器用幣豈特

喪有之凡祭祀燕饗賓客往來皆有服器用幣何莫非仁義之至乎竊意凡吉凶所用服器唯備然後盡於人心仁

之至也賓客之交必以幣表記所謂無辭不相見義者宜也故曰義之至也 故君子欲觀

仁義之道禮其本也 注言禮有節於內可以觀也正義前文有敬有忠此不言者舉仁義則忠

敬可知也

君子曰甘受和白受采忠信之人可以學禮苟無忠信之

人則禮不虛道是以得其人之為貴也 注道猶由也從也正義甘為眾味之

本不偏主一味故得受五味之和白是五色之本不偏主一色故得受五色之采苟猶誠也其人即忠信之人彬謂

道猶行也。和戶臥反。

孔子曰誦詩三百不足以一獻一獻之禮不足以大饗大

饗之禮不足以大旅大旅具矣不足以饗帝

注誦詩三百喻習多言而

不學禮也大旅祭

五帝也饗帝祭天

毋輕議禮注謂若誦詩者不可以強言

如饗帝正祭之備饗帝謂郊祭天也鄭氏元慶曰此一獻指燕禮崔氏所謂殺烝於俎行一獻之禮是也其禮簡大

饗是王饗諸侯及兩君相見其禮繁

子路為季氏宰

注宰治邑吏也

季氏祭逮閭而祭日不足繼之以

燭

注謂舊時也

雖有強力之容肅敬之心皆倦怠矣

注以其有久也

司跛倚以臨祭其為不敬大矣

注偏任為跛依物為倚

他日祭子路

與室事交乎戶堂事交乎階質明而始行事晏朝而退

注室

事祭時堂

事儻尸

事謂正祭之時

設於尸前

事尸於堂堂下

乎階質正也

反與音豫

孔子問之曰誰謂由也而不知禮乎

注多其知禮正義室

在室外人將饌至尸內人於尸受饌

於尸也堂事謂正祭後儻尸之時

人送饌至階堂上之人於階受取是交

敬而能速也○跛彼義反倚於綺

禮記訓纂卷十終